



Uunga siunnersuut: Naartunermi, erninermi meeravissiartaarnermilu sulinggiffeqartarneq ullormusiaqartarnerlu pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq. (Angajoqqaat sulinggiffeqartarnerinut piffissarititaasup sivitsorneqarnera)

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)
(Siullermeerneqarnera)

Demokraatit nuannaarutigalugu maluginiarpaat Naalakkersuisut inatsisissatut siunnersummik suliaqarsimmata, erninermi angajoqqaatut sulinggiffeqartarneq sivitsorniarlugu, naak Naalakkersuisut siunnersuutigisimasarput itigarteqqaarsimagaluarlugu.

Suli isumaqarpugut angajoqqaanngornermi sulinggiffeqartarneq sivitsorneqarpat ilaqutanngorlaanut iluaqutaassaamat. Minnerunngitsumimmi ilaqututariittut inoorlaaq piffissaqarfiginerulissagamikku, naalungiarsuullu inuunera aallartilluarnissaa isumakkeerinneqataasinnaalluni. Ukiuormi siulleq naalugiarsuup ineriartornerani pingaarnersaavoq, siunissamullu pitsaasumik ingerlanissamut tunngaviliilluartsuusaalluni. Taamaalillunimi ernisimanerup kingorna angajoqqaanngornermilu sulinggiffeqartarneq Danmark-imi isikkumisut ippoq, ersarissullu tunngavigalugit sanarfineqarsimalluni.

Naartusup sananeqaataa, naartunermi anaanaasup meeqqallu atassuteqaataat attaveqarnerallu aaqqissuunneqarneranut ilisimasat paasinnittaaserlu, ernereernerullu kingorna angajoqqaanngorlaat naalugiarsummumt ajoqusersorneqaratik attaveqatigiilerniarsarinerat tunngavigalugit sanna sanarfineqarsimavoq. Isumaqarpugut uagut ilisimasat misilittakkallu siusinnerusukkut atorsimasinnaangaluarigut, taamaammallu inissaminiissoraarput siunnersuutip anguniagai pitsaasut piviusunngortinnissaat.

Saniatigullu siunnersuutip periarfissaatilissuaa angajoqqaat sulileqqinnissaminut piareersarluarsinaalissasut. Imaappormi unammillernartortaarmat meeqqat illoqarfinni anginerni meeqquerivinnut isertinniarneri aqukkuminaattarmat. Arlalertigut sivirusumik utaqqisariaqartarput, ilaatigut angajoqqaat meeqqatik meeqquerivimmi inissaqalernissaat utaqqillugu feriarnertik atortarpaat. Angajoqqaallu ilaat aningaasarsissaralutik annaasarpaat paarsisussaqaannginnertik imaluunniit feriassaqaannginnertik peqqutigalugu.

Demokraatit ilaqutariit feriarnertik qanoq atortarneraat akuliuffigerisunngilaat, kisiannili sulinggiffeqartarnerup sivirususaanut aaqqissuusanerup ullumikkutut isikkoqartillugu ilaqutariinnut suliffeqarfinnullu tulluarnanilu iluaqutaanngitsoq uparuarusupparput. Naammaginangilluinnarpormi meeqqat pisariaqartitaat, angajoqqaat suliffeqarfiillu ilerasuutanut angajoqqaat sulinggiffeqartarnerata



sivisussusaa naammanngimmat.

Siullertut meeraq meeqqerivinni taama siusitsigisukkut aallartinnissaminut mikivallaarlunilu tarnikkut timimigullu inerisimanngippaallaarpoq. Aappaattut sivittuineq angajoqqaanut meeqqami piffissami sivisunermi ilaginissaannik periarfissiissaaq, taamaalillutillu attaveqaqatigiinneq qaninnerusooq aammattaarlu meeqqap meeqqerivinnut inissaqalernissaat feriarnertik atunngikkaluarlugit qulakkeerneqarsinnaanngussalluni. Kingullertut eqqaasarput sulisartoqarfimmut iluaqutaassaaq, aammattaarlu ilaqtariit ataatsimoorlutik nammineerlutillu feriarnissartik pilersaarusiortiginissaat kiffaanngissuseqarfigilissuaat.

Inuusuttortagut nunanut allanut ilinniariartorsimasut amerlanerit angerlarteqqinniarutsigit, siunnersuut aamma angerlajaarnissaanut kaammattuutaalluarsinnaassaaq, Kalallit nunaanni Danmark-imilu sulinggiffeqartarnermut politikki nikingavallaarunnaalissamat.

Taamaalilluni angajoqqaat sulinggiffeqartarnerata sivitsorneqarnissaanut tunngavissanik ulikkaarpugut, taamaammallu siunnersuummik akuersinissarput akiugassaanani. Taamatut oqaaseqarluta siunnersuut aappasaaniinnginnerani Ilaqtariinnermut Peqqissutsimullu ataatsimiititaliamut innersuukkusupparput.